



# Imaqarniliaq

Aallartitat immikkut ittumik ataatsimiinnerat 17. januaari 2016

---

**Sumiiffik: Hotel Arctic, Ilulissat**  
**Piffissaq: 17. januaari 2016, nal. 13.00**

**Peqataasut:**

***Aallartitat:***

**Kommune Kujalleq** Jørgen Wæver Johansen, Siumut  
Ole Mølgaard-Motzfeldt, Siumut  
Kelly Berthelsen, Inuit Ataqatigiit

**Qeqqata Kommunia** Hermann Berthelsen, Siumut  
Aqqalu Skifte, Siumut

**Qaasuitsup Kommunia** Ole Dorph, Siumut  
Jens Danielsen, Siumut [telefonikkut]  
Jens Kristian Therkelsen, Siumut [telefonikkut]  
Edvard Geisler, Atassut (Naja Petersen-imut sinniisussatut)

***Siulersuisunit peqataasut allat:***

Palle Jerimiassen, Siumut (siulittaasoq)  
Malene Ingemann, Partii Naleraq (siulersuisunut ilaasortaq)  
[telefonikkut]

***Peqataasinnaanatik nalunaartut:***

- Tønnes Kreutzmann, Atassut (Qeqqata Kommunia) – Edvard Geislerip sinnerpaa piginnaatitsis-  
sut tunngavigalugu  
- Naja Petersen, Atassut (Qaasuitsup Kommunia) – sinniisussaata qulaani taaneqartup Edvard  
Geisler-ip taarserpaa

***Ataatsimiinnermi siulersuisoq:***

Hans Eriksen

***Oqalutsit (Qaasuitsup Kommunianit):***

Hanseeraq Jonathansen  
Gedion Storch

***Allattoqarfimmit:***

Direktør Hans-Peder Barlach Christensen  
Souschef Bjarne Petersen  
Sekretær Inger Heilmann Larsen  
Konsulent Svend Møller (imaqarniliortoq)

## Ullormut oqaluuserisassanut siunnersuut

1. Tikilluaqqusineq
2. Ataatsimiinnermi siulersuisussamik toqqaaneq
3. Ullormut oqaluuserisassat akuersissutigineqarnerat
4. Politikkikkut ilusissamut nutaamut malittarisassat
5. KANUKOKA-p allaffissornikkut ilusissaa nutaaq
6. Siulittaasussamik taassumalu inuttut sinniisussaaniq qinersinerit
7. Siulersuisunut ilaasortassaniq taakkualu inuttut sinniisussaannik qinersinerit
8. Taasariaqartut allat

### Ad 1) Tikilluaqqusineq

Siulittaasoq *Palle Jerimiassen* tikilluaqqusilluni oqalugiaateqarpoq (oqalugiaat tamakkiisoq ilanngussaq 1-itut ilanngunneqarpoq). Ilaatigut oqaatigaa KANUKOKA-mut aallartitat immikkut ittumik ataatsimiinnerat manna politikkikkut pissutsinik alaatsinaattunit tusagassiortunillu assut maluginiarneqartoq. Tamatumunnga pissutaasut arlaliupput. Soqutiginninnerulli takutiinarpaa kommunit KANUKOKA-tut ittumik suleqatigiiffeqarnissaat pisariaqartinneqartoq. Naak KANUKOKA pisariaqarnera sinnerlugu oqaasertalersuinngikkaluarluni nunatsinni isorartogisumi inuiaqatigiit ataatsimoortumik ingerlanniarneqarneranni ataqatigiissinniarneqarneranilu pingaarutilerujussuarmik inissisimavoq.

Kattuffiup aqqissugaanerata nutarterneqarnissaa ukiut qulit matuma siornatigulli oqallisaalersimavoq siunnersuusiortifigineqartarsimallunilu. Kommunit kattunnerisa nalaanni isumaliutit ingerlaqqissimapput, ukiullu kingulliit marluk ingerlaneranni erseqqinnerulersimallutik tigussaanerulersimallutillu.

Tamakku malitsigisaannik periarfissanik assigiinngitsunik siunnersuusiortoqarpoq ulluni kingullerni kommunit ilaasortaasut maanna pingasuusut sinniisaannit tamuaqqinneqartunik. Nuaaarutigaaralu oqaatigisinnaagakku kattuffiup malittarisassaanut nutaanut siunnersuutit tamanit tapersorsorneqarsinnaasut maanna saqqummiunneqartussaammata. Malittarisassanut nutaanut siunnersuutitigut kattuffiup pisinnaatitaaffii erseqqissarneqarput, taamatullu aamma kommunit ingerlanneqarnerinut pingaaruteqartunik aalajangigassaqaartillugu kommuninut tusarniaasarnissaq erseqqissaavigineqarluni. Taamatuttaaq politikkikkut ikinnerussuteqartut kattuffiup siulersugaanerani sunniuteqarsinnaanissaat qulakkeerniarneqarpoq.

Qanorlu nuannertigissagalarpa ullumi kommunit tamarmiulluta maaniittuugalarutta. Siulittaasutut arlaleriarlunga ajuusaarutigalugu oqaatigisarsimavara Kommuneqarfik Sermersuup ukiut nikinneranni kattuffimmut ilaasortaajunnaarnera. Kommunimullu oqarusuppunga: KANUKOKA-mi suleqataaleqqinnissassinut qaqugukkulluunniit tikilluaqqusaajumaarput!

## **Ad 2) Ataatsimiinnermi siulersuisussamik toqqaaneq**

Kommunaldirektør *Hans Eriksen*, Qaasuitsup Kommunian, ataatsimiinnermi siulersuisussatut toqqaarneqarpoq.

## **Ad 3) Ullormut oqaluuserisassat akuersissutigineqarnerat**

Ullormut oqaluuserisassanut siunnersuut akuersissutigineqarpoq.

## **Ad 4) Politikikkut ilusissamut nutaamut malittarisassat**

*Ole Dorph* (Siumut) saqqummiussivoq malittarisassanut missingersuutip iluarsisap kingulliup 11. januaari 2016 nassiussuunneqartup allannguutissaanut siunnersuummik. Allannguutissatut siunnersuummi (ilanngussaq 2-mi) pingaarnertut makku taavai:

- Siulersuisut katillugit 9-nik amerlassuseqassasut, tassa siulittaasoq, kommunit ilaasortasut borgmesterii aammalu siulersuisunut ilaasortat kommunalbestyrelsinut ilaasortasut 5.
- Siulersuisunut qinersineq d`Hondts metode naapertorlugu ingerlanneqartassaaq, kommunini ilaasortasuni qinersinermi partiit qinigaatitaat tamarmiusut aallaavigalugit naatsorsuisoqartassalluni.
- Aningaasaqarnermut Ataatsimiititaliat ukiumoortumik katersuunnerat tassaalissaaq KANUKOKA-mi oqartussaasut qullerpaat, kattuffiup ingerlaneranut aalajangiisartuusussat. Taamaalilluni aallartitaqarneq atorunnaarluni, akisussaaffillu toqqaannartumik aningaasaqarnermut ataatsimiititaliat ukiumoortumik ataatsimeeqatigiinnerannut nuunneqarluni.
- Nunaqarfiit peqatigiiffiat KANUNUPE siulersuisuni alaatsinaattutut aalajangersimasumik ataatsimeeqataasalissaaq.

Allannguutissatut siunnersuummi siunertarineqarpoq kommunini partiit qinigaatitaqartut siamasinnerpaamik sunniuteqaqataasinnaanissaat, taamaaliornikkut kommunit siunissami ataatsimoortumik ingerlanneqarnissaat siunertaralugu.

Aningaasaqarnermut ataatsimiititaliat akisussaasunngorneratigut kattuffiup aammalu kommunit ulluinnarni ingerlatsinermi atugarisaat imminnut naapertuunnerulersinneqassapput aammalu kattuffiup siunertalersorneqarnerata taamaalilluni kommuniniit toqqaannarnerusumik akuuffigineqalernissaa anguneqassalluni.

Kommunit tassaaginnanngillat inoqarfiit angisuut, aammali tassaallutik inoqarfinnut tamanut inuttussuseq aallaaviginagu akisussaasut. Taamaattumik pissusissamisorpoq nunaqarfiit kattuffiata toqqaannarnerusumik sunniuteqarsinnaalersinnissaa KANUKOKA-mi siulersuisuni ataatsimeeqataasalersinneratigut.

Taamatut naatsumik malittarisassanut nutaanut allannguutissatut siunnersuut saqqummiuppara, akuerineqarnissaalu inassutigalugu. Aammalu aallartitanut akuereqqarput siulersuisunngortus-sat pisinnaatinneqassasut malittarisassat annikitsualutsigut sulii iluarsissartaqarpata iluarsissuti-nut akuersinissaannut, tassami malittarisassanik allannguinerit annertuut kingornatigut naqqi-tassanik takkuttoqarajuttarmat.

*Kelly Berthelsen* (Inuit Ataqtigiit) allannguutissanut siunnersuummut tapersersuivoq. Pingaa-riteqarnerarpaa KANUKOKA-p kommunini politikikkut siamasissumik tunuliaqutaqarnissaa, aningaasaqarnermullu ataatsimiititaliat ataatsimoorlutik kattuffimmut oqartussaaleratigut ta-manna anguneqassaaq.

Taamatuttaaq pingaaruteqarluinnassaaq kommunit katersuuffigisinnaasaannik siulittaasoqarnis-saq. Malittarisassanut siunnersuutit ataasiakkaatigut iluarsissartaqarput, tamakkuli allattoqar-fimmit iluarsineqarsinnaapput.

*Edvard Geisler* (Atassut) allannguutissanut siunnersuummut tapersersuivoq. Tapiliullugulu oqaatigerusuppaa KANUKOKA-p katersuuffittut ineriartortitsivittullu nukittuumik ingerlariaq-qinnissaa pingaaruteqarluinnarmat. Politikikkut aaqqissuussaannermi pingaaruteqarportaaq de-mokratii tunngavigalugu siamasissumik tunuliaqutaqarnissaaq, taamaalillutik partiit tamarmik, aamma illua'tungiliuttut, siulersuisuni peqataasinnaaniassammata.

Siulersuisut kommuninilu aningaasaqarnermut ataatsimiititaliat KANUKOKA-mi oqartussaa-sutut qullerpaatut ukiumoortumik ataatsimiittarnissaannik aaqqissuussinissaaq tapersersornartin-nerarpaa, aatsaalli ataatsimeeqatigiinneq taanna kimilimmik oqartussaafileqarluunilu aalaja-ngiisinnaassusilerneqassappat. Borgmesterit kommunini ingerlatsinermi angisuumik akisus-saaffeqareersut siulersuisunut aalajangersimasumik ilaasortaajuassappata siulersuisuni partiit siamasissumik inissaqartinneqartariaqarput illua'tungiliuttut akuutinneqarnerisigut.

*Ataatsimiinnermi siulersuisup* allannguutissatut siunnersuut taasisitsissutigaa. Aallartitat 10 tamarmik akuersipput.

## **Ad 5) KANUKOKA-p allaffissornikkut ilusissaa nutaaq**

*Ole Dorph*, Siumut, KANUKOKA-p allaffissornikkut ilusissaanut siunnersuummut allan-nguutissatut siunnersuummik nassiussuunneqarsimasumik saqqummiussivoq.

Oqaatigaa KANUKOKA-p allaffissornikkut ilusilersorneqarnerata nukittuumik aammalu kommuninut annertunerpaamik iluaqutaasinnaasumik aaqqinneqartariaqarnera siulersuisunit tamarmiusunit aammalu aallartitanit tamarmiusunit isumaqatigiissutigineqartoq. Allaffissor-nikkut ingerlatsinermi pingaaruteqarpoq kommuninut suliassaqarfiit akisussaaffiillu nuunne-qartussat ataqtigiissarneqarnissaat aammalu pimoorullugit suliarineqarnissaat.

Taamaattumik siulersuisut tamarmiusut aammalu aallartitat tamarmiusut sinnerlugit siunner-suutigineqassaaq:

- KANUKOKA-p allattoqarfia ataatsimoortumik Nuummiit nuunneqassasoq
- KANUKOKA-p allattoqarfia ataatsimoortoq sumi inissinneqassanersoq siulersuisut aalajangiiffigissagaat 1. marsi 2016 nallertinnagu
- KANUKOKA-p allattoqarfiata nuunneqarneranut suliaq siulersuisut sapinngisamik 1. septembari naammassineqarsimanissaa suliarissagaat

*Kelly Berthelsen*, Inuit Ataqatigiit, oqarpoq KANUKOKA-p allattoqarfiata nukittuumik inis-sisimanissaa pingaaruteqartoq suliassaqarfinnik kommuninut nussuisoqalerpat. Allannguutis-satut siunnersuut saqqummiunneqartoq kissaatigisamat tamatumunnga naapertuuppoq, taper-sersorpaalu.

*Edvard Geisler*, Atassut: Kattuffiup allattoqarfiata ataatsimoortillugu inissinneqarnissaa taper-sersorparput, siunertaasariaqarmat KANUKOKA-p katersuuffittut ineriartortitsivittullu nukit-tuujunissaa.

Taamaalilluta allattoqarfiup suliassaqarfikkuutaarlugu kommuninut tamanut aggulunneqarnis-saanik eqqarsaat isumaqatiginngilarput. Allattoqarfik ataatsimoortoq sungiussisimasunik suli-sulik suliassaqarfinnik kommuninut nussuinissami pilersaarusiornissamat ataqatigiissaarinnis-sa nullu periarfissarissaarnerussaaq. Kommunit allaffissornikkut ingerlatsivii suliassaqareeqisut tamatumunnga suliakkerneqartariaqanngillat. Aammami innuttaasunik sullissineq suli tamakkii-sumik aaqqiivigineqanngilarluunniit.

KANUKOKA-p allattoqarfiata kommunini illoqarfiit annerit ilaannut inissinneqannginnissaa pingaartipparput, kaammattuutigaarpulli illoqarfiit ukua arlaannut inissinneqassasoq: Nanorta-lik, Maniitsoq imaluunniit Aasiaat. Siulersuisunngortussanullu kaammattuutigaarput inissiiffis-sat pioreersut periarfissarsiorfigeqqullugit, nutaamik sananissaq pinnagu, aningaasat atorluaru-mallugit.

*Ataatsimiinnermi siulersuisup* allannguutissatut siunnersuut taasisitsissutigaa. Aallartitat 10 tamarmik akuersipput.

*Malene Ingemann*-ip nuannaarutiginerarpaa allattoqarfiup ataatsimoortillugu nuunneqarnissaa maanna aalalajangiunneqarmat. Taamaalilluni allaffiup saaffiginniffissap ataasiujuarnissaa qu-lakkeerneqassaaq, aammalu allattoqarfiup ataatsimoortiinnarneratigut piffissami ikaarsaarfiusu-mi pingaarutilimmi suleqatigiinnik nukittuumik sulisoqarnissaq periarfissarissaarnerussalluni.

## **Ad 6) Siulittaasussamik taassumalu inuttut sinniisussaanik qinersinerit**

*Jens Kristian Therkelsen*, Siumut, siunnersuuteqarpoq Palle Jerimiassenip siulittaasutut qiner-neqarnissaanik.

*Edvard Geisler*, Atassut, Palle Jerimiassenip siulittaasutut qinerneqarnissaanut tapersersuivoq.

*Kelly Berthelsen*, Inuit Ataqtigiit, Palle Jerimiassenip siulittaasutut qinerneqarnissaanut tapersersuivoq – pingartikkamiuk siulittaasup borgmesteriunnginnissaa. Siulittaasunngortussarlu kajumissaarpaa kommunit tamarmik KANUKOKA-miileqqinnissaat ilungersuutigeqqullugu.

*Ataatsimiinnermi siulersuisup* oqaatigaa allanik qinigassanngortitsisoqanngitsoq, taamaalil-lunilu nalunaarutigalugu **Palle Jerimiassen** siulittaasutut qinigaasoq.

Siulittaasup (siulersuisunut ilaasortatut) inuttut sinniisussaattut qinerneqarpoq **Jens Kristian Therkelsen**.

## **Ad 7) Siulersuisunut ilaasortassanik taakkualu inuttut sinniisussaannik qinersinerit**

Ilaasortaataqassuseq tunngavigalugu d'Hondt-ip periaasia naapertorlugu uku siulersuisunut ilaasortatut taakkualu inuttut sinniisussaattut uku qinerneqarput:

*Siumut:*

- **Simon Simonsen**, Kommune Kujalleq (inuttut sinniisussaralugu: **Kïsta P. Isaksen**, Kommune Kujalleq)
- **Aqqalu Skifte**, Qeqqata Kommunia (inuttut sinniisussaralugu: **Jakob Olsen**, Qeqqata Kommunia)
- **Kristian Broberg**, Qaasuitsup Kommunia (inuttut sinniisussaralugu: **Ole Inûsugtoq Frederiksen**, Qaasuitsup Kommunia)

*Inuit Ataqtigiit:*

- **Kelly Berthelsen**, Kommune Kujalleq (inuttut sinniisussaralugu: **Bendt B. Kristiansen**, Qaasuitsup Kommunia)

*Atassut:*

- **Edvard Geisler**, Qaasuitsup Kommunia (inuttut sinniisussaralugu: **Tønnes Kreutzmann**, Qeqqata Kommunia)

## **Ad 8) Taasariaqartut allat**

Immikkoortumi tassani taasassaartoqanngilaq.

*Palle Jerimiassen* aallartitat ataatsimiinnerat naggaserlugu oqarpoq siulittaasutut qinigaaq-qinnermini KANUKOKA-p nukittuumik ingerlaqqinnissaanik isumaqatigiilluni kissaatigisap siulersuisut peqatigalugit sulissutiginnissaa qilanaaralugu.

Kommuninut sunut aammalu partiinut sunut ataneq apeqqutaatinnagit ataatsimoorusunneq aallartitat ataatsimiinneranni matumani malunnaqaaq, aammalu erseqqissumik kissaatigineqarpoq KANUKOKA kommuninut tamanut katersuuffioqqilissasoq. Tamanna uanga siulersuisullu sulissutigissavarput. Allattoqarfimmi sulisut pikkorissut suliassanillu kivitsisinnaalluarnerminnik takutitsisut qutsavigaakka. Kikkullu tamaasa aallartitat ataatsimiinnerata matuma ataatsimoorfiulluni nuannersumik naammassineqarsinnaaneranut peqataasut qutsavigaakka.

**Ilannugussaq:**

1. Immikkoortumi ”Tikilluaqqusineq”-mi Palle Jerimiassenip oqalugiaammimi najoqqutaa.